

Bosna i Hercegovina  
Federacija Bosne i Hercegovine  
Kanton Sarajevo

**Fond Kantona Sarajevo za izgradnju stanova**

za članove porodica šehida i poginulih boraca,  
ratne vojne invalide, demobilizirane borce  
i prognane osobe

**UPRAVNI ODBOR**

Sarajevo, 27. 1. 2026. godine

Broj: ZA-20/26

**ZAPISNIK**

**20. sjednice Upravnog odbora Fond Kantona Sarajevo za izgradnju stanova**

Mjesto održavanja sjednice: Prostorije Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u nastavku: **Fond**), Sarajevo, ul. Hivzi Bjelevca br. 54., VII sprat, sala za sastanke

Vrijeme održavanja: 27. 1. 2026. godine u 15,00 sati.

Prisutni članovi Upravnog odbora:

1. Jasmin Bešović – predsjednik Upravnog odbora;
2. Bernadin Hadžiabdić – član Upravnog odbora;
3. Mirza Emirhafizović – član Upravnog odbora i
4. Amela Petrinić – članica Upravnog odbora.

Pored prisutnih članova Upravnog odbora, sjednici su prisustvovali:

1. Elvedin Lagarija – direktor Fonda;
2. Haris Hasanagić – pomoćnik direktora za marketing

Zapisnik vodi Muris Gazdić – sekretar Upravnog odbora Fonda.

Sjednicom predsjedava i rukovodi Jasmin Bešović, Predsjednik Upravnog odbora Fonda, koji:

- otvara 20., sjednicu Upravnog odbora Fonda;
- konstatira da sjednici Upravnog odbora prisustvuju gore navedeni članovi Upravnog odbora i lica kojima je od strane Upravnog odbora dozvoljeno prisustvo sjednici Upravnog odbora,

- konstatira da Upravni odbor posjeduje kvorum članova Upravnog odbora za odlučivanje i
- predlaže Dnevni red kao u pozivu:

## **DNEVNI RED**

1. Usvajanje Zapisnika sa 19. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.
2. Informacija direktora Fonda o trenutnim aktivnostima Fonda.
3. Tekuća pitanja.

Upravni odbor jednoglasno usvaja predloženi Dnevni red.

## **TOK SJEDNICE**

**Tačka 1. Usvajanje zapisnika sa 19. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u daljem testu: Zapisnik)**

Predsjednik Upravnog odbora Fonda otvara 1. tačku Dnevnog reda sjednice. S obzirom da su materijali dostavljeni ranije kao i da su članovi Upravnog odbora upoznati sa sadržajem zapisnika, otvara raspravu po ovoj tački.

Kako članovi Upravnog odbora nemaju primjedbi na dostavljeni nacrt zapisnika, predsjednik Upravnog odbora isti daje na usvajanje.

Upravni odbor jednoglasno usvaja zapisnik.

### **ZAKLJUČAK:**

Usvaja se Zapisnik o radu sa 19. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce od 21. 11. 2025. godine.

**Rezultat glasanja: Jednoglasno.**

---

**Tačka 2. Informacija direktora Fonda o trenutnim aktivnostima Fonda.**

Predsjednik Upravnog odbora otvara drugu tačku dnevnog reda i riječ daje direktoru Fonda.

Direktor Fonda, prezentira Upravnom odboru trenutne aktivnosti u Fondu, a potom poseban osvrt daje na trenutne aktivnosti kupovine zemljišta na lokaciji Gazin han, općina Stari Grad Sarajevo informirajući Upravni odbor o razlozima ponavljanja ovog javnog poziva od strane Općine Stari Grad Sarajevo i cijeni za koju je predmetno zemljište kupljeno.

Nakon toga direktor Fonda informira Upravni odbor o aktivnostima projektovanja objekta "Bijeli dvor" Ilidža, odnosno upoznaje Upravni odbor da je trenutno u toku revizija projekta.

Kratko se uključujući u izlaganje direktora, član Upravnog odbora Bernadin Hadžiabdić, predlaže da se donese zaključak kojim se nalaže dostavljanje informacije o nalazu revidenta nakon okončane revizije projekta, što Upravni odbor jednoglasno prihvata.

U daljem izlaganju direktor iznosi problematiku javne nabavke za projektovanje novih objekata Fonda, te informira Upravni odbor da je Fond ponovno pokrenuo javnu nabavku projektovanja objekata Rosulje i Šip. Uključujući se u izlaganja direktora, članica Upravnog odbora Amela Petrinić postavlja pitanje: "Da li je ostala aktuelna opcija projektovanja od strane Arhitektonskog fakulteta"?

Direktor daje informaciju da jeste i dalje aktivna opcija projektovanja od strane Arhitektonskog fakulteta, no za realizaciju ovog projekta je neophodno da Vlada iznađe finansijska sredstva.

U kratkoj raspravi koja je uslijedila nakon prezentiranja svih informacija od strane direktora Fonda, članovi Upravnog odbora izražavaju zadovoljstvo i prezentiranim informacijama i tokom trenutnih aktivnosti u Fondu.

Predsjednik Upravnog odbora nakon okončanja rasprave predlaže ostalim članovima Upravnog odbora da prezentiranu informaciju prime i znanju.

#### **ZAKLJUČAK 1:**

Prima se k znanju informacija direktora Fonda o trenutnim aktivnostima Fonda.

**Rezultat glasanja: jednoglasno.**

---

## **ZAKLJUČAK 2:**

Nalaže se direktoru Fonda da po okončanju revizije projekta Bijeli dvor Ilidža, Upravnom odboru dostavi informaciju o završnom izvještaju revidenta projektne dokumentacije lokacije Bijeli dvor, Ilidža.

**Rezultat glasanja: jednoglasno.**

---

## **Tačka 3. Tekuća pitanja**

U okviru tačke tekuća pitanja, sekretar Upravnog odbora, informira Upravni odbor da je Vlada, Rješenjem o razrješenju, prihvatila ostavku bivšeg člana Upravnog odbora Maka Aganovića.

U okviru ove tačke nije bilo više prijavljenih tema.

---

Sjednica upravnog odbora je završena 27. 1. 2026. godine u 16,00 sati.

Zapisnik vodio:

.....  
Miris Gazdić

**PREDSJEDNIK UPRAVNOG  
ODBORA**

**Jasmin Bešović**